

IN GEOMETRICA ELEMENTA

EISAGOGÆ,

ARNOLDODELENS MEDICO AC

MATHEMATICO AVTORE. Я

Η κρίσις χαλεπή.
M. Rom. Soc. J. H. v. Cat. J. H. v. B. S.



ANTVERPIÆ,

Ex officina Christophori Plantini.

ANN. M. D. L X V.

CVM PRIVILEGIO:



IN GEOMETRICIS
ELEMENTIS
AROLDI DE LENS MEDICI
ET MATHEMATICI AUCTORIS
REGIS PRIVILEGIO CAUTUM EST, NE QUIS IN GEO-
METRICA ELEMENTA EISAGOGEN, Arnoldo de Lens medico
et mathematico auctore, citra Christophori Plantini
voluntate imprimat, aut alicubi impressam impor-
tet, venalemue habeat a die impressionis absolutæ
intra sexennium. Qui secus faxit, confiscationis li-
brorum, & quinquaginta florenorum pœna, fisco
Regio exsoluenda, multabitur: vt latius in Regio
diplomate expressum est, Dato Bruxellæ xx i.
Septemb. stilo Brabatiæ. Anno Domini M.D.LXV.

Sign. De Langhe.

3

NOBILIBVS AC INDV-
STRIIS ADOLESCENTIBVS
IOANNI PAVLO ET IOANNI FRE-
DERICO HERVARTIS AVGVSTA-
NIS, NOBILIS AC MAGNIFICI VI-
RI D. IOANNIS PAVLI HERVARTI
FILIIS, ARNOLDVS DE LENS S. D.

SELEGERAM nuper ex Euclide præ-
cipua quædam Theoremata, & in de-
monstrationibus Geometricis maximè
vtilia, quæ artium studiosis exponere,
& iam in illorum gratiam typis mandare parabam:
dum subiit tantilla hæc vestris auspiciis committe-
re, quò consuetudo, quam biennio conseruauimus,
minimè fluxa putaretur. Tum etiam quod in
his ipsis artibus, vt & in aliis, quæ nobilem men-
tem expolire queant, abundè estis instituti: & in
quibus maiore quotidie animo, ad maiora & soli-
diora aspiratis: vt tandem tanto parente dignæ so-
boles reperiri possitis, & æstimari. Qui etiam
summis auct. votis, videre vos in rerum humana-
rum scientia versatissimos, nihil interim omissis
diuinis. Ergo ne diutius sermonem protraham, hæc
serena mente excipiat rogo, & quandoq; matu-
riori iudicio, cuncta liberiores subiiciatis. Valete:
Louanij, Anno 1565.

A 2 P R A E F A -



lib. πρὶς
ἐπιστολῆς τῆς
γεωμετρίας.
α.



PROCLUS, dum Geometriæ originem expendit, Aristotelis in prima philosophia testimonium adducit, quo cōfirmat, propter ordinatas vniuersi conuersiones, in homines deriuatam hanc esse Geometriæ scientiam. Nec operæ precium est, multa de eius laudibus in fronte huius lucubratiunculæ præfari, cūm satis vnumquemque hortari ad hæc studia Platonis illius symbolum debeat, *ἀγεωμέτρητος οὐδεὶς εἰσίτω*. Eo enim pro foribus sui gymnasij depicto, omnibus Geometriæ ignaris ab schola sua interdictum voluit. Definiunt igitur Geometriam scientiam quandam, quæ versatur in magnitudinum, figurarum, et extremorum, quibus hæ continentur, rationum & affectionum, quæ in ijs inhærent, cognitione: hoc est, quantitatum omnium, & eorum quæ circa ipsas eueniunt, exploratam cognitionem. Vt autem duplex est quantitas ab Aristotele in Categoriis definita; Continua & Disiuncta: Hæc quidem ex partium continui dissolutione deprehensa apparet, atque inde numerorum orta disciplina: & hinc etiam prima illa animi notio profecta videtur, qua proportionem omnē in quantis assignatam, in numeris reperiri definiunt. Quid autem intersit inter Geometriam et Arithmeticam, hoc loco definiendū non est. Illud autem non omitendum, quod sicut Arithmetici quatuor vtuntur princi-

principiis, ex quibus omnia deducant: vnitatem, binario, ternario, & quaternario (his enim simul iunctis denarius numerus efficitur, cui tantam vim inesse Pythagorei arbitrabantur, ut eo celestium orbium numerum definirent) pari ferè ratione, Geometrae quatuor magnitudinum omnium principia faciunt, etiam ab Aristotele explicata: Punctum, Lineam, Superficiem, Corpus: quibus quantorum omnium rationem expediunt. Est autem Geometriae finis, corporum omnium figuras, & magnitudines edocere. Idque dum conatur Geometer, magnitudines ipsas seorsim expendit, ab corporibus separatas, hoc est, nulla corporis habita consideratione in quo subsistunt. Hinc etiam puncti cuiusdam subtilem rationem excogitarunt, quo in longum ducto, linea consisteret: non quod eiusmodi quidpiam in quantis nullatenus diuisibile superesse putarent, sed quò felicius quantitatum consideratio præter corporum rationem subsisteret. Ita igitur puncti ductu lineam fieri excogitarunt, cuius fluxu superficiem nasci vel ἐπιφανείαν, quam Cicero extremitatem nuncupat. Deductione verò Superfici-
 4 Acad. question.
 ei corpus nasci effinxerunt. Atque eò difficilius est intelligere, quæ Aristoteles de partium lineæ ad puncta connexionem docuit, quemadmodum & de partium superficiem & corporis ad lineas & superficies continuationem. Sed modum ut præfationi imponamus, rem ipsam præstat aggredi. Planorum linearumque traditionem dabimus, quæ ad figurarum omnium modum, & magnitudinem sufficiat, & introducendo facilem aditum ad absolutissima

Euclidis elementa præbeat. Solida verò, vt non adeo frequenter in demonstrationibus vſu veniunt, ita & leuiore opera tractauimus, paucis eorum expeditis generibus, & via qua eorum magnitudines inueſtigari queant, in tranſcurſu demonſtrata. In tradendi verò ordine, nihil aut parum ab Euclidis demonſtrationibus recedere viſum eſt. Propoſitum igitur aggrediamur.

DEFINI-



DEFINITIO PRIMA.

VNCTVM est cuius pars nulla est.

Definierunt etiam Platonici punctum, unitatem quæ situm habeat.



Linea est latitudinis expers longitudo, *Definit. 2.*
punctis terminata.

Superficies est quantitas lineis conclusa, quæ etiam *Definit. 3.*
latitudinem contineat.

Timæus ex planis figuris & superficiebus corpora docet constitui, quod si sit, illis quidpiam crassitie inesse foret necessum.


DIVISIO PRIMA.

Linearum alia est recta, alia curua.

Linea recta est inter duo puncta breuissima exten- *Definit. 4.*
sio




Linea curua est longior exten- *Definit. 5.*
sio inter duo puncta quàm
rectæ lineæ.



Antiphon rectæ lineæ æqualem posuit curuam, quod quàm à ratione alienum sit, ex applicatione vnius ad alteram satis manifestum euadit.

Rectarum linearum, aliæ Parallelæ seu æquidistan- *Diuisio 2.*
tes, aliæ in angulum declinantes.

Parallelæ sunt, quæ in infinitū
productæ in eodem plano,
nunquā angulum efficiunt.




Definit. 6.

Angulum vocant linearum duarum in puncto concursum.

Angulorum alius rectilineus, alius obliquus.

Diuisio 3.


Rectilineus est, qui rectis lineis con-
tinetur.



Definit. 7.

A 4 Obli-

Definit. 8. Obliquus angulus est, cuius vtraque linea continens curva est, aut altera.



Diuisio 4. Rectilineorum angulorum, alius rectus, alius acutus, alius obtusus.

Definit. 9. Rectus angulus est, quando linea recta in alteram cadit perpendiculariter.



Clarior euadet hac definitio per primam animi notionem, accedētibz Theorematis 4 & 5.

Defin. 10. Acutus angulus est, qui recto minor est.



Defin. 11. Obtusus angulus est, qui recto maior existit.



Defin. 12. Figura est, quæ termino vel terminis clauditur.

Diuisio 5. Figurarum alia Plana, alia Solida.

Diuisio 6. Planarum figurarum quædam circulares, quædam rectilineæ.


Defin. 13. Circulus est figura plana vnica linea contenta, ad quam lineæ omnes ab puncto circuli medio, quod centrum nūcupant, deductæ, sibi inuicem æquales sunt.

Defin. 14. Diameter est linea recta, per circuli centrū acta, vtrinq; lineam continentem, siue peripheriam contingens, eamque in duas æquales partes dispescens.



Segm en-

Segmentum circuli est figura contenta linea recta *Defin. 15.*
& quavis peripheriæ portione.



Rectilinearum figurarum, alię Trilateræ, alię Qua- *Divisio 7.*
drilateræ, alię Multilateræ.

Trilaterarum figurarum, alię æquilateræ, alię æqui- *Divisio 8.*
cruriæ, alię variæ.

Æquilateræ sunt, quæ tria æqualia latera habent. *Defin. 16.*

Æquicruriæ, quę duo tantum latera æqualia habent. *Defin. 17.*

Variæ, quæ tribus inæqualibus lateribus continetur. *Defin. 18.*


Trilaterarum figurarum, alię Rectagula, alię Oxy- *Divisio 9.*
goniæ, alię Amblygoniæ.

Rectangula sunt, quę rectum vnum angulū habent. *Defin. 19.*

Oxygoniæ, quæ tres acutos angulos continent. *Defin. 20.*

Amblygoniæ, quæ obtusum vnum angulum habent. *Defin. 21.*

Huc pertinet demonstrare, quo modo ad datam re-
ctam lineam omnia hæc triangulorum genera excita-
ri queant. Sit data linea a b, ope circini describo super




eius ambas extre-
mitates duos cir-
culos, secundum
linea longitudinē
a e c & b e d, qui
secant sese in pun-
cto e, à quo lineas
binas duco e a, et
e b dico trilaterā
figuram sine tri-

angulum a b e esse æquilaterum, linea enim a e & b e
A s sunt

angulum facile fuerit constituere, ubi perpendiculares erigere didiceris, per quartum Theorema, earundem extremitatibus copulatis exurgit Rectangulum triangulum.

Quadrilaterarum figurarum, aliæ Parallelogramma, aliæ Trapezia nuncupata. *Divisio 1a*

Parallelogramme, quorum latera & anguli sibi oppositi sunt inter æquales, diuidit autem diameter per æqualia.



Defin. 2a

Definitionis pars posterior patet per Theorema primum adiuuante parte priore.



Trapezia sunt, quibus hoc ipsum deest.



Defin. 2a

Parallelogramma sunt vel æquilatera & rectangula, & vocantur quadrata: vel rectangula quidem non æquilatera, quæ à Græcis dicuntur *ἑτερόμηνες*, à Latinis Quadrangula dici consueuerunt: Aliæ sunt æquilatera non Rectangula, Rhombos vocant: Aliæ denique neque æquilatera neque rectangula, quas dicunt Rhomboides.


Divisio 2a



Multilateræ figuræ vel quinque sunt laterum, vel *Divisio 3a*
sex

sex vel septem, & reliquæ: atque hæ omnes vel æquilateræ & æquiangulæ, vel æquilateræ nec æquiangulæ, vel nec æquilaterę nec æquiangulę.

Figuræ



multilate-
ræ.


COMMUNES ANIMI NOTIONES.

- 1 Omnes anguli recti inter se æquales sunt.
- 2 Quæ eidem æqualia, vel quæ eiusdem dimidia sunt aut duplicia, sunt inter se æqualia.
- 3 Æqualibus æqualia adiecta vel ablata reliqua æqualia relinquunt.
- 4 Inæquabilibus adiecta vel ablata si fuerint æqualia, reliqua inæqualia manent.
- 5 Quæ inter se applicata ad amussim congruunt, sunt æqualia.
- 6 Totum maius est qualibet sua parte.
- 7 Duæ rectæ lineæ spaciū non comprehendunt.

THEOREMATA.

Theorema
I.

Si duæ trilateræ figuræ habent duo latera & angulum iis contentum inuicem æqualia, habebunt basim basi æqualē, & reliquos angulos reliquis angulis pares. Si verò anguli contenti lateribus æqualibus fuerint inæquales, bases etiam inæquales erunt.



*Facile fuerit hoc demonstrare ex mutua duorum tri-
angu-*


angulorum applicatione per ultimam communem animi notionem. quia si in triangulis abc & def angulus b sit equalis angulo e , & latera utraq; unius utrisque alterius equalia, non tamen basis ac ad basim df conveniat, necessum est duas rectas lineas spacium concludere, quod ibi impossibile esse diximus. Ex hac igitur demonstratione facile fuerit dato rectilineo angulo equalem angulum facere: nam si dato angulo basim lateribus continentibus connectas, & paria omnia latera in alio facias triangulo, anguli omnes erunt in ambobus hisce triangulis aequales, per positam iam demonstrationem, illi inter quos latera equalia subtenduntur. Ex his etiam facile Theorematis pars posterior innotescit. Si quis enim duo triangula abc & deg dicat laterum omnium equalium inter se, angulum tamē b maiorem angulo d faciam, per Corollarium iam positum, angulum e equalem angulo e , ducamq; lineam ef equalem lineae bc , connectam quoque lineam df . Iam patet per priorem partem huius Theorematis basim df equalem esse basi ac . ergo maior est basis ac basi dg , quae est pars basis df . Quod demonstrasse oportuit.

Corollarium.

Æquicruræ figuræ trilateræ, anguli qui ad basim consistunt æquales inter se reperiuntur, & è cō-


Theorema. 2.

uerso: eius autē lateribus productis, qui sub basi sunt anguli æquales sunt inter se.



Per præcedens Theorema totum negotiū absoluitur. In triangulo abc late-

latera $a c$ & $a b$ aequaliter produco vsque ad e & d .
 Duco lineas $d c$ & $e b$. Quia namque duo sunt trian-
 gula $a b e$ & $a c d$, quorum duo latera $a b$ & $a c$ duo-
 bus lateribus $a c$ & $a d$ sunt equalia per Hypothesim,
 et angulus a communis huic basi $b e$, basi $c d$ est equa-
 lis, & reliqui anguli, angulis reliquis aequales. Similiter
 per Hypothesim & positam iam demonstrationem tri-
 angulum $c b d$ tria habet latera equalia tribus lateri-
 bus trianguli $b c e$, ut dubitare non liceat, num anguli
 quoque omnes pares sint per primum Theorema. Patet
 igitur posterior Theorematis pars. Quia verò $a b e$
 equalis $a c d$. Aufer paria $d c b$ & $e b c$ reliqua $a b c$
 & $a c b$ equalia manent per 3. communem animi no-
 tionem. Sicq; prior pars euadit manifesta; cuius cōuer-
 sio manifesta est hac demonstratione. Si quis enim an-




gulum h constituat equalē an-
 gulo $h i f$, latus autem $f h$ ma-
 ius latere $i f$. ipsum secabo ad
 equalitatem in puncto g per
 definitionem 13. deducto cir-

culo à puncto g tanquā centro qui transeat per puncta
 h & i . Duco etiam lineā $i g$. patet quòd triangulum $i g$
 h est equicrurium, quare eiusdem angulus i est equalis
 angulo h . Sed angulus h equalis erat positus angulo $h i$
 f ; ergo angulus $h i g$ erit eidem equalis pars toti, quod
 est impossibile per 6 communem animi notionē. Si igitur
 anguli, qui ad basim consistunt, intersunt aequales;
 triangulum etiam erit equicrurium. Ex his etiam pa-
 tere potest, quòd, si duorum triangulorum duo anguli
 & unum latus equalia sint, omnia esse equalia.

Coroll.

Theore. 3. In triangulis equalia latera angulis æqualibus sub-
 tenduntur, maiora maioribus, & minora mino-
 ribus, & è conuerso.


Istud




Istud totum Theorema ex precedentibus duobus et eorum demonstrationibus patere potest, nec ampliore expositione opus habet, cum & in hac lineari demonstratione sit evidēs.

Angulum trilateræ figuræ propositū in æqualia secare, Oportet latera ipsum cōtinentia esse æqualia. Linea quoque angulum bifariam secans, eius subtensam bifariam secabit, & ad eam erit perpendicularis.


Theore. 4.



Sit triangulum a b c, cuius angulus a diuidendus sit bifariam. Super basi b c ex parte opposita æquale triangulū constituo b d c, prout antè docuimus. Rectam deduco à cuspide a ad angulū d, quam dico secare angulum propositum bifariā. Linea enim a d secat parallelogrammum æquilaterum a b d c in duo triangula æqualia, quorum latera omnia sunt paria, quare & omnes anguli pares sunt, quibus paria latera subtenduntur. ergo quia linea b d est æqualis lineæ d c, hinc angulus b a e æqualis angulo e a c, quod est primum. Quod autem linea b c secta sit bifariam in e ope huius demonstrationis & primi Theorematis, quod est tertium. Lineā quoq; a e perpendicularem esse ad lineam b c, probatur: quia utrobique pares facit angulos, quare ope primæ notionis communis animi & 9 definitionis perpendicularis est. Quod verò necessum sit lineam angulum continētes æquales esse, facile ex hoc discēs Typo, Quia namque nec latera continentia angulum h e g, nec basis æqualia sunt lateribus continētibz




tibus angulum $f e h$ nec basi eiusdem hinc nec anguli illi aequales sunt, nec angulus $f e g$ sectus est bifariam, quemadmodum ope secundi Theorematis potest demonstrari. Latera igitur si quando inaequalia sunt comprehendētia angulum bifariam diuidendum ad aequalitatem, sunt ressecanda ope 13 definitionis, quod etiā supra monuimus. Facile enim fiet si colloces alterum pedem circini tanquam in centro ad cuspidem anguli di-



uidendi, alterumq³ extendas secundum quantitatem minoris lateris: ductus enim circulus aequaliter ressecabit latus maius, prout in hoc typo videre, & per 13 definitionem conuincitur. Hacque

demonstrari oportuit.

Cum recta linea super rectam consistens angulos facit, aut duos rectos, aut duobus rectis pares efficiet.




Consistit linea $d c$ super lineam $b e$. Si non facit rectos angulos duos, duobus tamen rectis pares faciat necesse: erigatur perpendicularis $a c$ per prius Theorema. ea autem rectos facit angulos utrobique per 9 definitionem. Quia autem anguli $e c d$ & $d c a$ aequales sunt angulo recto $a c e$ & $a c b$ rectus, tres igitur anguli illi duobus rectis pares sunt. Verum angulus $b c d$, duobus angulis $b c a$ & $a c d$ par est, quare duo anguli $b c d$ & $d c e$ duobus rectis aquantur. Ex hoc etiam fonte facile fuerit demonstrare, quod si in duas rectas sibi iun-

ctas

Theorema
1.

Coroll.

Etas recta cadens, angulos fecerit duos rectos, aut duobus pares, eas in directum iacere, quòd si nò sit necesse;



& tamen angulum $gk h$ dicat quis angulo $gk l$ equalē, necessum est ut eūdem faciat equalē angulo mkg , ad miniculo præmissæ demon-

strationis, & primæ communis notionis animi; id tamē aduersatur 6 communī notioni animi: patet igitur propositum.


Omnium duarum linearum sese secantium, anguli Theore. 6. contra se positi æquales existunt, quare & quatuor angulos faciunt totidem rectis pares.



Patet per præcedentē lineam ae super $b d$ facere duos angulos pares duobus rectis, quemadmodū & lineam de super ca & ce super bd & be super ca . Sunt igitur in uniuersum anguli quatuor totidem rectis pares, quare anguli $b e a$ et $a e d$ æquales sunt angulis $a e d$, & $d e c$ communis offeratur $a e d$, reliqua manēt equalia nempe angulus $b e a$ angulo $c e d$ qui sunt contra se positi. Eodē modo demonstrari potest, angulos $b e c$ & $a e d$ pares esse. quòd erat demonstrandum.

(maiora. Theore. 7.)

Omnis trianguli duo quæuis latera reliquo sunt




In triangulo abc , latera ac & ab maiora sunt latere ab , quia si in directum ipsi ac ducatur linea equalis lineæ cb , quæ sit cd , et cōnectatur linea db , fit triangulū abd , cuius angulus b maior est angulo d , quare et basis da maior basi

B

ba


b a per tertium Theorem. quod erat demonstrandum.

Theor. 8. Cuiusvis trianguli vno producto latere, angulus extrinsecus singulis intrinsecis & oppositis est maior.



Sit triangulum $a b c$ latus $a c$ producat^r usque in f . Dico $b e f$ angulum esse maiorem singulis angulis internis & oppositis, & angulo a , & angulo b . Primum diuidendo latus $a c$ bisariam in h : & ducendo lineam $b h$, cui pono in directum equalem $h g$, connecto $g e$. Idem facio in altero latere. Duo sunt triangula $a b h$ & $e g b$ equalia, quod angulum $g h e$ continentia latera equalia sint lateribus continentibus $a h b$ per hypothesim, & uterque angulus equalis per sextum Theore. quare & bases sunt pares & reliqui anguli per primum. angulus igitur $b a h$ angulo $h e g$ est equalis qui angulo $d e f$ aequatur per sextum Theore. est autem $d e f$ pars anguli $b e f$. quare patet propositum. Eodem modo monstratur quod angulus $b e f$ sit maior angulo $e b a$.


Theore. 9. Si recta linea in duas rectas cadens angulos* alternatim fecerit aequales, parallelæ illæ rectæ sunt lineæ, & è conuerso.



Alterni sunt anguli $a h g$ & $h g b$, quemadmodum & $c g b$ & $g b d$. qui si aequales sunt, dico lineas $a d$ & $b c$ esse parallelas. Si enim concurrerent, efficeretur

retur triangulum. ponatur autem concurrere in k , ut sit triangulum $k h g$ sequitur per præcedens Theorema angulum $a h g$ maiorem esse angulo $h g b$; quod est contra Hypothesim: non igitur concurrere possunt. Hinc ^{Coroll. præcedens.} etiam patet ope Theorem. 6. angulum $e h d$ angulo $h g b$ parem esse, exteriorem interiore & opposito ad easdē partes. Sed & per quintum Theor. interiores duos ad easdē partes duobus rectis esse pares, nempe angulos $d h g$ & $h g b$. Conuersa quoque facile hoc modo monstrabitur: Si enim qui alterni sunt, minimè fuerint æquales, sed $a h g$ maior $h g b$, quia $a h g$ & $d h g$ sunt duobus rectis pares per 5 Theor. anguli $d h g$ & $h g b$ minores erunt duobus rectis per 4 animi communem notionem, quippe eidem angulo $d h g$ adiecti sunt anguli alterni inæquales. Necessum est autem ut concurrant in angulum, quia cum recta linea in duas rectas cadens duos fecerit angulos duobus rectis minores, illa linea concurrunt: non erunt igitur lineæ propositæ parallelæ, quod est contra Hypothesim. Quare si lineæ parallelæ sint, recta in eas cadens alternos angulos facit pares, quod demonstrari oportuit.

Cuiusvis trianguli angulus externus internis duobus & oppositis simul sumptis par existit. Omnes autem angulos trianguli duobus rectis partes esse necesse est. ^{Theore. 10.}




Quia angulus $a c e$ æqualis est duobus angulis $a c d$ & $d e c$. Est autē angulus $d c e$ æqualis angulo $a b c$ per primum corollarium præcedentis Theor.

Sunt enim $a b$ & $c d$ parallelæ. Sic & angulus $a c d$ æqualis est angulo alterno $b a c$, per præcedens Theore-

ma. quare angulus $a c e$ est par duobus internis & oppositis simul sumptis per secundam communem animi notionem: cui tamen Carneades assentiri repugnat: qui cum Fauorino è rerum natura veritatis iudicium sustulit. Per eundem quoque tres anguli interni aequales sunt duobus angulis $a c e$ & $a c b$, qui per 5 Theorema duobus sunt rectis pares, atque id est quod demonstrari fuerat operaprecium.

Theor. 11.


Parallelogramma super eadem basi constituta aut æquali & in iisdem pallelis, sunt æqualia; & si æqualia & in eadem basi, ad easdemque partes fuerint, in iisdem sunt pallelis. Sin verò nec in eadem basi, nec in æquali fuerint constituta, in iisdem tamen pallelis, eorum talis erit proportio qualis basium. Eadem est triangulorum ratio, cum parallelogrammi medium contineant.



Sint duo Parallelogramma $a b c e$ & $a c d e$, super eadē basi $a e$. Ex definitione 22 patet, quòd latus $c d$ sit æquale lateri $a e$, & hoc æquale lateri

$b c$, quemadmodum latus $a b$ æquale lateri $c e$. Quod etiam angulus $a b c$ sit æqualis angulo $d c e$, patet per conuersam 9 Theorematis, quare per primum Theorema triangula $a b c$ & $c d e$ sunt æqualia. Si utrique addatur æquale & commune triangulum $a c e$, necessum est omnia persistere æqualia, per tertiam animi communem notionem: quare proposita parallelogramma æqualia sunt. Quia etiam duo triangula prius sumpta æqualia dicta sunt, & medium continent duorum parallelogrammorum $a b c e$ & $c d f e$ in æquali basi & iisdem

in eisdem parallelis constitutorum, per definitionem 22. hinc etiam patet ea parallelogramma equalia esse. quia quorum media equalia sunt, et tota equalia esse oportet.



Si autem quis dicat duo parallelogramma $ghik$ & $ghok$ equalia esse, cum eadem basi ik insistant, non tamen in eisdem parallelis, sed sint pa-


rallelae iq & gp . per priorem partem huius Theorematis patet, quod parallelogrammum $ihpk$ aequale est parallelogrammo $ghik$, erit igitur per secundam communem animi notionem aequale etiam parallelogrammo $ihok$ quod per sextam impossibile est. Eodem modo monstratur, non posse constitui parallelas go & iq , manentibus dictis parallelogrammis $ghik$ & $ihok$ equalibus. Cum igitur propter aequales bases aut inaequales, parallelogramma in eisdem parallelis constituta equalia sunt vel inaequalia, reliquum est, ut eorum talis sit proportio, quae est basium. Demum quia eadem est proportio dimidiorum quae est inter tota: hinc etiam si triangula fuerint in eadem vel equali constituta, et in eisdem parallelis, ipsa erunt equalia, & e conuerso: & si in eisdem parallelis posita non eandem basim, nec aequalem habeant, eam proportionem seruari quae est basium. Hinc patet, qui possit parallelogrammum triangulo aequale describere, quia cuiuscunque duplum habetur, dimidium latere nequit. Sed & per hanc propositionem cognita unius vel parallelogrammi vel trianguli area, facile fuerit cuiuscunque parallelogrammi vel Trianguli in eisdem parallelis constituti aream cognoscere. Trapezia quoque & figura mul-

Coroll. primum.

Secundum

ilatera deducta in parallelogramma aut triagula, quorum area pateſcat, etiam aream notam habebunt.

Theor. 12. In triangulis rectangulis, quadratum lateris subtendentis rectum, æquale est ambobus reliquorum laterum quadratis, & è conuerſo. Quare quadratum lateris maioris fuerit maius quadratis reliquorum laterum, si triagulum est amblygonium; minus, si oxigonium.



Hæc in triangulo a l b in l rectangulo facile patere possunt. Erigo primum quadratũ singulorum laterũ, & hinc inde lineas ducò, prout typus offert videndum. Sunt igitur g a & h b parallela quemadmodũ a i & b k per 9 Theor. adiumento. h. Quare

triangulum g a b est per præcedens medium quadrati g h l a, est tamen æquale triangulo a l c per primum, quod per præcedens medium parallelogrammi a f c d cõtinet: hoc igitur parallelogrammum æquale erit quadrato g h l a, quia quorum dimidia sunt æqualia, ipsa æqualia sunt. Eodem modo monstrari potest quadratũ b k l i æquale esse parallelogrammo f b d e. Atque id est primum. Conuerſa hoc typo patebit. Si quis enim neget




in triangulo o q p angulum q rectum esse, cùm tamen subtendens p o in sese ducta, æquiualeat ambobus quadratis linearum o q et p q, facile redarguetur erecta linea perpendiculari su-
per

per lineam oq ad punctum q equali linea pq , & ea cum puncto o connexa per lineam rectam om . In triangulo enim rectangulo oqm , duo latera oq & qm sunt equalia duobus lateribus oq & pq trianguli opq . eorum igitur quadrata simul iuncta equalia sunt, & per Hypothesim eis aequatur quadratum po , per precedentem demonstrationem eisdem aequatur quadratum om : ergo po & om equales sunt linea, quia eorum quadrata sunt equalia, quare angulus oqp rectus est per 3. Theorema, idque secundo loco fuerat propositum. Tertia pars hoc modo patet: Sit amblygonium stu in



puncto t , produco t v usque ad r , & connecto perpendicularem sr . Patet per priorem partem huius Theorematis, lateris su quadratum aequialere quadratis laterum sr et ru , quae maiora sunt lateribus st & tu , nam auferatur tu communis manent sr & rt maiora latere st per septimum Theorema. maius est igitur quadratum lateris su quadratis ambobus laterum st & tu quod est tertium. Similiter pars ultima probatur in oxygonio xyz nam



cuiuscunque lateris quadratum sumatur (sit autē exempli gratia xz) minus est quadratis reliquorum lateris simul iunctis, ducatur perpendicularis a z puncto, ad basim xy . Patet per priorem huius Theorematis partem, quod quadratum lateris xz aequale est quadratis laterum zn perpendicularis & xn linea, tanto igitur minus quadratis laterum zy & xy . Tollatur enim communis xn patet per 7 Theorema latera zy & ny maiora esse latere zn , quare & quadrata maiora sunt. patet igitur etiā


Corollarium

quod ultimo loco demonstrari fuerat propositum. Ex his patet quod trianguli rectanguli, cognitis duobus lateribus, reliquum ignorari non possit.

Theor. 13.

Aristo. in
Categoriis
capit. de
motu.


Si quadrato gnomon adiiciatur, fit quidem maius, nihil tamen species variatur aut alteratur.



Gnomon ab Euclide vocatur quadratum, quod circa dimetientem descriptum est cum suis supplementis. Sic quadrati $c h b f$, gnomon erit quadratum $e a h k$ cum parallelogrammis $d c h e$ et $h k f g$. Eodem modo quadrati $a e h k$, gnomon est quadratum $c h b f$ cum supplementis siue parallelogrammis iam dictis. Demonstrandum autem est, quod addito gnomone quadratum auctius tantum reddatur, nihilque alteretur. Manifestum est, quod triangulum $a b d$ sit triangulo $a b g$ aequale per definitionem 22: & triangulum $e h a$ triangulo $h a k$ etiam est aequale, et triangulum $c h b$ triangulo $b h f$ per eadem. Si bina triangula minora à duobus maioribus auferas, parallelogramma quæ restant aequalia persistunt, per tertiam communem animi notionem. ergo & omnia latera manent aequalia in parallelogrammo $a d b g$ aucto per gnomonem, ut antea quam fuerat auctum.

Theor. 14

Quadrati dimetiens non est lateri commensurable.




Commensurabilia dicuntur, quæ eadem potest mensura metiri. Sunt autem duplicia. magnitudine alia commensurabilia sunt, alia potentia: Illa quidem talem habent proportionem quæ est numeri ad numerum, vel quadrati ad quadratum: hæc verò minimè, sed eorū quadrata eam habent proportionem

nem


nē quæ est numeri ad numerum. Ita patet in quadrato, cuius latera quatuor pedes habeant, dimetientē esse commensurabilem magnitudine. Facile intelligi potest ex 12 Theoremate, dimetientem, qui separat quadratum in duo triacula, rectangula esse pedum $5\frac{1}{2}$, qui certē numerus nullam seruat proportionem ad lateris quantitatem quæ est 4 pedum. Sic nec quadrata habent requisitam proportionem: nam lateris quadratum est 16 partiū diametri verò duplo. Sed inter quadratos numeros non est ulla eiusmodi proportio. Apparet igitur non esse commensurabile magnitudine, sed tantum potentia dimetiens, ad aliquod quadrati latus, quod erat propositum.

Parallela linea si in triangulo ad aliquod eius latus Theor. 15. describatur, reliqua latera secabit proportionaliter.



Sit Triangulum $a d e$, in quo describatur lateri $d e$ linea $b c$ parallela, dico secta esse latera $a d$ et $a e$ proportionabiliter, ducō lineas $b e$ & $d c$, quæ per 11 Theorema claudunt triacula equalia. Quia autem Triangula $a b c$ & $b d c$ sunt inter parallelas $a d$ & $b i$: hinc per idem Theorema talis est proportio, quæ est basium. Similiter demonstratur in triangulis $a c b$ & $b c e$ constitutis inter parallelas. Est igitur eadem proportio lineæ $a b$ ad $b d$ quæ est lineæ $a c$ ad $c e$, quod fuit demonstrandum.

Si duorum triaculorum omnes anguli æquales reperiuntur, proportionalia erunt latera, quæ æqualibus lateribus subtenduntur. Theor. 16.



Sint duo triangula bce et fce rectangula in punctis e et c . Sit etiam angulus b equalis angulo d . & angulus bce angulo f . Connectam duo haec triangula in eodem plano, angulum d et f angulo b et c . Duco lineam fd usque ad a et similiter lineam cb usque ad a . Patet per 9 Theorema, quod linea d sit parallela ad lineam bc , & linea b e ad lineam af . Quare per praecedens patet eandem esse proportionem fe ad ec , quae est fd ad da , & cb ad ba quae est ce ad cf , quod erat propositum. Hinc patet quomodo per dioptram aut aliud instrumentum cuiusvis rei altitudo inuestigetur.

Corollarium

Theor. 17. In duas lineas bifariam sectas, circuli peripheriam vbicunque diuidentes, singulae perpendiculares ad sectionis punctum erectae centrum comonstrant circuli.

Lineae illae erunt parallelae aut non parallelae. Consti-




tuatur primum non esse parallelas, ut sunt lineae b e & d g. dico perpendiculares ch & fi , sese in centro secare, quae ad media sectionum puncta in secantibus peripheriam lineis eriguntur k & m . Utraque enim per centrum circuli transit.

Quam si quis neget, sed circuli $bdfg$ centrum in puncto l velit designare, duco duas lineas ad illud punctum d l & d g, & a media, in sectione m l.

per

per definitionem 13 linea dl equalis lineæ lg , & per Hypothesim linea dm lineæ mg equalis est: linea verò ml communis, quare per corollarium primi Theore. triangulum $d lm$, æquale est triangulo $l mg$. & angulus $l mg$ equalis angulo $d ml$, & rectus, quia linea recta dum in rectam cadens pares facit angulos, uterque illorum rectus est. Sed angulus amg per definitionem 9. rectus est: ergo equalis angulo $l mg$ totum parti contra 6. communem animi notionem. Utraque igitur per centrum abit qua perpendiculariter erecta est. Cum autem unicum sit centrum circuli, & in puncto unico lineæ sese secant, necessum est, ut in centro se secant, atque id est primum. Si verò linea peripheriam secantes sint parallelæ, quæ eas bifariam secabunt, perpendiculares & rectæ unica erunt, quam per præcedentem partem necessum est per centrum transire: ea igitur bifariam diuisa per medium, secundum doctrinam 4. Theorematis, centrum declarabitur, adiumento



to 13. definitionis: ut in vy et op recta unica respicitur perpendicularis, utramque bifariam secans, quæ in puncto x bifariam secatur, atque id est circuli $o vy$ centrum per 13 definitionem.


Quòd si quis neget, poterit prius demonstrata ratione convinci. Hinc si quando vel circulus fuerit imperfectus, vel eius sit ignotum centrum, & circulus perfici et cætrum reperiri poterit: quod operæ precium fuit demonstrasse. Hinc etiã

Corollarium primum.

fieri

fieri potest evidens, quod linearum in circulo sese secantium, si nulla per centrum abit, quamvis perpendicularis una sit alteri non sese bisariam discernere: & si bisariam secuerit una alteram, sitque ei perpendicularis, per centrum omnino transire ex his patescit.


Theor. 18 Si duo circuli intrò puncto vno se contigerint, aut se secuerint, idem centrum non habent.



De circulis extrà sese in centro secantibus evidenti-
tissimum est. Sed & reliqua nihil continent difficulta-
tis: facile enim omnia ex 13 definitione cōficias. Quòd
etiam linea ducta à puncto contactus circulorum per
unius centrum, & recta etiam alterius centrum per-
transcat, quemadmodum & in secantibus circuli linea
à media alterius sectione ducta per centrum, ex his ty-
pis ita sit evidens, ut multis immorari foret supernua-
caneum.

Theor. 19 Si à puncto quopiam extra centrum sumpto lineas
deduxeris, ea erit longissima, quæ per centrum
ducetur: breuissima, quæ in oppositum: æquales
quæ æqualiter ab his distiterint, reliquæ maiores
aut minores, prout ad maiorem accedunt, magis
aut magis recedunt.

In circulo *a f g* cuius centrum *b*, à puncto *c* longissi-
ma est *c a*, supplementum diametri *c l* breuissima, reli-
quæ maiores aut minores, prout maiores aut minores
angul-



angulos ad diametrum faciunt, ita quæ pares angulos faciunt, pares sint. Suscipiatur enim linea $c d$, duco etiã à puncto d lineã $b d$, patet per 7 Theor. latus $d c$ minus esse duobus lateribus $b d$ & $b c$, quæ tamen equalia sunt linea $a c$ per 13 definitionẽ & communẽ animi notionem 3. linea igitur $a c$ maior est linea $d c$. Hac verò linea $c e$ est maior, quia minor angulus est quẽ subtẽdit linea $c e$, quàm linea $c d$: latera autem continentia equalia. Sic etiam linea $c e$ maior est linea $c f$, quòd eodem modo per primum Theorema deduci potest. Demum linea $c f$ linea $c h$ equalis est; quia equaliter distant ab longiore, & æquales concludunt angulos ad diametrum. Quod si neges, sed dicas lineam $c k$ æqualem linea $c f$, duco lineam $b g$ per punctum k , patet ex Hypothesi & 5 Theorematis adiumento, angulum $k c b$ æqualem angulo $b c f$, latera quoque continentia equalia per Hypothesim: ergo & bases per primum Theorema. linea igitur $b k$ equalis est linea $b f$, cui per 13 definitionẽ equalis est $b g$ ergo per 2 animi communẽ notionem linea $b k$, est linea $b g$ equalis, quod est per 6 communẽ animi notionem impossibile. Quòd autem dua tantum linea ab eo puncto duci possint equalis, patet: alioqui ipsum esset centrũ circuli, quod facillẽ per 17 Theor. demonstrabitur.

A puncto sumpto extrã circumferentiã, linea Theor. 10.
ducta per centrum est longissima, reliquæ verò quæ circumferentiã secãt, pro ratione accessus ad diametrum maiores sunt aut minores. Similiter quæ diametrum cõtingit, nec secat circumferen-

ferentiā, est breuissima, reliquæ longiores quanto plus distant. Quæ verò æqualiter utrobique absunt, æquales sunt.



Simile est in hoc Theoremate demonstrando artificium, quod in precedenti tractauimus. Ductis enim lineis à puncto a & a centro d, prout typus exhibet, res manifesta euadit: nam per 7 Theorema minor est linea a f lineis a d, et d f quæ æquantur linea a e per 3 animi communem notionē adiumento definit. i 3. Minor item linea a g linea a f per primum Theorema, qua per idem minor adhuc est linea a h. Aequalis tamen est linea a f linea a c per idem Theorema. nec aliam huic æqualem ponere est possibile præterea: ea enim cum propior esse debeat diametro vel remotior, erit etiam maior vel minor, ut iam monstrauimus. Demum in triangulo a d l, duo latera a l & l d maiora sunt latere a d per 7 Theorema, æquales l d & d o per 13 definit. auferantur per 4 communem animi notionē linea a l relinquitur maior linea a o: æqualis tamen linea a b per primum Theorema, maior verò lineis a k & a i per idem. Quod demonstrasse oportuit.

Si intra circulum plurimæ rectæ lineæ cadant, diameter omnium erit longissimus: quæ verò ab ea remotiores distiterint, minores: quæ æqualiter, æquales.

Similis



Similis est prorsus demon-
strandi modus prioribus duo-
bus, & molestum videbatur
eum sapius repetere. Satis esto,
negotium totum absolui per
definitionem 13 & Theorema
1 & 7. Quare patet proposi-
tum.

APPENDIX.

Hac satis facere arbitror introducendis, ut absque
magno discrimine queat cuiuscunque proposita magni-
tudinis modum inuenire. Nec id ipsum exemplis illu-
strare visum est, cum satis sit pro introductionis modo
ad id necessaria Theoremata indicasse. Ex his enim
serio studiosi, totum metiendi tum longitudinum distā-
tias, tum etiam areas & latitudines scopum facile atti-
gerint. Restabat tamen circulus, qui quod curua linea
contineatur, cuius nulla certa est ad rectam habitudo,
non potuit aream exactè cognitam hactenus habuisse.
Hinc Aristoteles eius quadraturam scibile quidpiam
nondum scitum esse dixit in Categoriis. Archimedes
tamē preclarus in hisce scientiis artifex diametri pro-
portionem constituens ad circumferentiam maiorem
tripla & sesquioctana, qualis ferè est 7 ad 22. exactam

satis huius rei dedit rationem. Nā
dato circulo *ab* cuius *ab* diame-
ter sit partium 14, circumferentia
erit partium 44. in mediam autē
circumferentiam ducta semidiami-
ter ostendit aream partium 154,
cuius radix quadrata est partium




12. *Atque tot partium latus quadrati foret quod aequale circulo constitueretur. Aream enim circuli haud aliter metiuntur, quàm alterius rectilinea et aequalateralis figura, nempe ducta circumferentia medietate in dimetientis medietatem. Existimant enim in circulo infinitorum laterum et angulorum esse concursum, quibus sanè pugnare videtur omninò propositio 2. lib. tertij elementorum Euclidis. Portiones circulorum aream habebunt cognitam, cognita totius area. Reliquae irregulares figura & variis figuris composita ex collatione ad regulares sub mensuram cadere possunt, ut et suprà memoratum est. Iam pauca de Corporibus annexere visum est, de quæ eorum mensuris praxim.*

Defin. 24. Corpus est quantitas longitudine, latitudine & profunditate prædita, superficie terminata.

Defin. 25. Solidus angulus est qui pluribus quàm duobus planis angulis, in eodem non consistētibus plano, ad vnum pūctum tamē collectis continetur.

Quemadmodum ante dictum est ultima communis animi notione, duas lineas superficiem non claudere, ita hoc loco duo anguli angulum solidum vel corpus claudere nequeunt. Et quemadmodum lineas planum continentes non conuenit sibi inuicem secundum longitudinem applicari, nec plana angulum solidum efficiētia conuenit in eodem esse plano.


Defin. 26.



Cubus est corpus sex quadratis æqualibus contentum.


Eiusmodi corpus hic depingitur taxilli forma, Grecis quæ vocatur κύβος ἢ ἑξάεδρον. Potest quæ hoc modo sub mensu-

mensuram cadere facillimè. Ducto quadrati latere in sese facillè est quadrati aream cognoscere, quam si in latus ducas, habebis cubi soliditatem. Nihilò est difficilius solidum altera parte longius metiri. Area enim Quadranguli rectanguli facillè dignosci potest, ducta longitudine in latitudinem. in tali autem solido altera parte longiore una superficies ducta in succedentem dimensionem ostendit eius quantitatem. Ita in proposito



solido si latus ag sit 4 pedum: latus verò ad , 5; latus verò ab , 6. pedum; facillè solidi quantitatem assequemur, nam quater 5 faciunt 20, quæ ducta in 6, faciunt 120. quot pedum illud est solidum. Pari modo sexies 4 faciunt 24.

latitudo superficièi $abcg$, quæ multiplicata per 5 facit 120. tantundem quantum prius: res hæc nihil difficultatis habet.




Cylindrus est corpus defini- Defn. 17.

tum ab parallelogrammo orthogonio vna reuolutione circumducto; manente altero latere rectum angulum comprehendente, quod axem vocant: circuli autem in oppositis partibus descripti, bases nominantur.

Corporis modus hac figura
G satis

satis exprimitur. Mensuratur autem in hunc modum, per appendicem additam post planorum traditionem: habeamus cognitam arcam circuli $a b$, cuius diameter sit pedum 7: ea enim ducta in altitudinem cylindri siue longitudinem lateris $b c$, quæ est pedum exempli gratia 12. exurgit soliditas huius cylindri pedum 462.

Defin. 18. Conus est figura solida descripta à triangulo rectangulo circūducto vna reuolutione manente, altero latere rectum continente angulum, quod axis vocatur. Idq; si alteri lateri rectum contineti equale fuerit, Conus est rectāgulus; si minus, Conus est amblygonius; si verò maius, est oxygonius. Basis verò Coni dicitur circulus is qui à circumducto latere describitur.



Conus 3 partem obtinet. Cylindri eandem basim & eandem habentis altitudinem, quare altitudo eius ducta ut prius in basim aream ostendit quantitatem Cylindri, cuius tertia pars est Conus. Non potest autem ignorari altitudo coni, hoc est $a b$ linea a cuspide in basim centrum cadens cognitis lateribus $a c$ & $c b$ per Theor. 12.

Defin. 29. Prisma est figura solida planis contenta, quorum duo opposita sunt similia parallela & æqualia, alia verò parallelogramma.

Possunt esse Prismatis bases (quas dicit definitio debere æquales, similes & parallelas esse) trilatera, quadrilatera, quinque laterum, sex laterum vel plurimum. Earum autem area ubi cognita fuerint, in altitudine
Prisma-



Soliditatem. Si autem voles superficiariam tantum quantitatem agnoscere: duc basis circumferentiam in altitudinem: et producto utriusq; basis aream adde, et feres optatum. Hec autem in hoc prisma exempli causa declarabimus. Basis $a b c$ sicut et opposita latera singula habeant 6 pedes. Altitudo autem siue latus $c d$ sit 12. Patet ex precedentibus quod area basis sit pedum $15 \frac{1}{2}$, quæ ducta in 12 faciunt 187 pedes $\frac{1}{2}$, atque ea est soliditas prismatis propositi. Quia verò eius ambitus est pedum 18, ei ducti in 12 fiunt 216, quibus adde quantitatem area basium amborum, hoc est bis $15 \frac{1}{2}$ fiunt 247 $\frac{1}{2}$, atque totidem pedum est ambitus totius prismatis. Similis est qualicunque oblato prismae operatio.

Pyramis est figura solida planis contenta, ab vnum Defin. 30.
plano ad vnum signum collecta.




Qualem constituit Euclides lib. 12.
propositi 10 suorum elementorum proportionem coni ad cylindrum, talem pyramidis ad prisma esse demonstrat eodem lib. proposit. 7. Atque ut prisma potest variam habere basium figuram, ita & Pyramis. Verum in Pyramide a basi plana erecta omnia triangula sunt, quod, ut dicit definitio, in punctum vnum colligantur. Typus iste Pyramidem refert quæ basim habeat etiam triangularem, ut tota constituatur quatuor triangulis planis,

quæ si sint æquiangula & æquilatera, ea pyramis Tetraedrum dici poterit. Uniuersim igitur pyramidum soliditas hoc modo disquiritur. Primum ope 12. Theorematis querito altitudinem pyramidis siue longitudinem lineæ ac , in quam duc basis quantitatem, prismatis habebis soliditatem æqualem basim & altitudinem habentis, cuius pars tertia est soliditas pyramidis quæ sita. Superficiaria autem quantitas cognoscetur, si ex constituta in planis doctrina singulorum planorum pyramidem continentium areas disquiras et simul aggeras. Exemplo nec egere modo apparet. Ex hac doctrina facillè fuerit octahedri siue corporis, quod octo triangulis æqualibus & æquilateris cõinetur, mensuram colligere, quippe quòd sit tertia pars prismatis quod eadem est basi, & eadem altitudine constitutum. Similiter dodecahedri siue corporis duodecim pentagonis constituti. est enim corpus velut 12. pyramidibus constitutum, quibus basis sit quinquangula. Nec alia ratione Eicosahedri mensura accipitur, quod est corpus constans 20 triangulis æqualibus & æquilateris. Quia cum corpus sit velut 20. cõpactum pyramidibus, quarum basis sit triangulum æquilaterum, unius earum, cognita magnitudine et per 20. multiplicata, soliditas eicosahedri tandem emerget. Reliquorum autem corporum irregularium & pluribus figuris planis contentorum mensura cognoscetur, facta ad enarrata hæc solidorum genera reductione.

Defin. 31. Sphæra est figura solida à semicirculo descripta in orbem ducto, quoad redeat unde fuerat digressus, diametro fixa manente, quam axim nuncupant.

Si Sphæra superficiariam quantitatem habere voles,



les, duc Sphære diametrum
in ambitum maximi circuli
Sphæram ambientis, ha-
bebis quæsitum. Cuius se-
tertiam sumas partem,
quam in semidiametrum
ducas, habebis Sphære so-
lilitatem. Cognito autem
toto, partes ignorari ne-
queunt, hinc quantum hemispherium vel quanta Sphæ-
ra portio minoris eius pars, certa tamen proportionis,
contineant, ignorari non potest. Sed huc usque hac tra-
didisse pro instituto sufficere videtur.



EXCVDEBAT CHRISTOPHORVS PLAN-
TINVS, ANTVERPIAE, IX. CALEND.
NOVEMB. ANN.M.D.LXV.